

欽定天文正義

欽定天文正義卷二十九

斗宿占

斗宿占

史記天官書南斗為廟其北建星正義南斗六星在南也斗建之間七曜之道亦主旗輅占動搖則人勞不然則不

宋史天文志北方南斗六星天之賞祿府主天子壽算為宰相爵祿之位傳曰天廟也丞相太宰之位褒賢進士稟受爵祿又主兵一曰天機南二星魁天梁也中央二星天相也北二星天府廷也又曰南星者魁星也北星杓也第一星曰北亭一曰天關一曰鐵鎖石申曰魁第一主吳二會稽三丹陽四豫章五廬江六九江星明盛則王道和平帝王長齡將相同心不明則大小失次芒角動搖國失忠臣兵起民愁

觀象玩占南斗六星曰天廟一曰天邱一曰天關一曰天機
一曰天府一曰天庫一曰天同元龜之首木星也日月五星
貫之為中道主酌量政事其南首二星曰魁為天庫又為天
梁主兵中二星為天相主爵祿北尾二星曰杓為天府主壽
命斗北大星亦曰天關天子之正旗也土官也六星欲其均
明明盛則君臣同心天下安寧爵祿不僭風雨順時人主壽
康五穀蕃昌暗小則天下不安芒角動搖則忠臣失勢天下
愁怨變色失常則陰陽不調宰相憂之

月五星犯斗宿

漢書天文志水火合於斗占曰為淬不可舉事用兵必受其

殃。一曰為北軍用兵舉事大敗。斗吳也。又為粵。

後漢書天文志。金入斗口中。為大將死。又曰為貴相凶。斗為貴相。為揚州。熒惑犯入之。為兵喪。

晉書天文志。太白犯斗。國有兵。大臣有反者。又曰為喪。天下受爵祿。太白晝見在斗。占曰吳有兵喪。熒惑入南斗。占曰宰相死。兵起。月入南斗。占曰有兵。月犯南斗第五星。占曰將軍死。近臣去。

隋書天文志。熒惑守南斗。占曰糴貴。五穀不成。大旱。多火災。吳越有憂。熒惑出入留舍南斗中。有賊臣謀反。月入南斗。大人憂。

唐書天文志太白入南斗有赦辰星入南斗魁中占曰大赦

宋史天文志月犯斗將臣黜風雨不時大臣誅一歲三入大赦又占入為女主憂趙魏有兵色惡相死歲星犯斗有赦久守水災穀貴守及百日兵用大臣死熒惑犯斗有赦破軍殺將火災入二十日糴貴四十日有德令守之為兵盜久守災甚出斗上行天下憂不行臣憂入内外有謀填星犯斗為亂入則失地逆行地動出入留二十日有喪守之大臣叛又占逆行先水後旱守之國多義士太白犯斗有兵臣叛留守之破軍殺將與火俱入曰爍臣子為逆久則禍大

辰星犯斗水穀不成有兵守之兵喪

觀象玩占月入南斗大臣失位荊州占吳越有災期不出三年陳卓曰兵起大赦月入斗魁中大人憂宮中有賊黃帝占月以四月十月入斗中天下大赦近期六十日中六月遠一年月宿斗有風雨歲星守南斗吳越有福其歲大豐守之六十日臣有增爵祿者木犯南斗春秋合誠圖曰大臣有逆謀歲飢木入南斗荊州占曰有大水陳卓曰歲旱卿相有憂一曰煞麻賤木經南斗吳國大稔木逆行入南斗陳卓曰有亡國春秋感精符曰大臣為逆木出入留舍南斗大飢若有兵來伐其國則客軍大敗歲星居南斗海中占曰五穀以旱

傷居其北不利小兒一日牛多死居其西歲多飢傷居其南人多病寒熱居其東馬多死一日歲星居南斗北其歲早水晚旱熒惑守南斗國有憂相不安兵起黃帝占有亡國失地又曰穀出若有諸侯客來見天子者一日羅貴一日吳越有憂五行傳曰為亂為賊為喪為兵守之久海中占曰旱多火災都萌曰大人憂有赦一日五穀不成地動嬰兒多死關梁不通有廢臣乙巳占曰火守斗二十日有大赦又曰宰相出已去而復還守之宰相死火以十月守南斗三十日民介冑火犯南斗海中占曰有反臣丞相有事火入南斗都萌曰國飢火逆行南斗土工興火出入留舍斗魁中天下起兵火

舍斗西木果不實舍斗東大戰 填星入斗中郝萌曰天下
受爵祿春秋聖洽符曰填星入斗口而守之人背其主天下
壅蔽荊州占曰將軍戮司馬彪天文志曰貴臣將相死或曰
外國有使來見土守南斗王者封賞諸侯土官有受賜者郝
萌曰地裂山崩有大赦荊州占曰大臣逆姦人謀在陽田宅
貴在陰田宅賤一曰大臣有黜者一曰有暴水至土出南斗
兵起西方若西南方土居南斗河戌間郝萌曰道路不通
太白守南斗黃帝占曰大人當之國易政一曰所守之國凶
一曰將戮一曰夷狄內侵有兵戰太白犯斗小人在位一曰
有喪太白犯斗而守之國有兵事大臣有反者誅死太白入

斗石氏曰大人守禦有兵在外罷太白入犯南斗已去復還
守之有兵戰將死一日大臣反名士憂金火同入南斗臣子
為逆久留則禍遲而事久去速則禍速而易平 辰星守南
斗水災都萌曰有兵陳卓曰五穀傷敗洪範傳曰其國不可
舉事用兵必受其殃石氏曰辰星守斗在北民凍死在西狼
虎入邑在南狗多死在東女子多死甘氏曰辰星守斗角動
而青黑色天下大水橋梁不通辰星犯南斗其分有災辰星
入犯斗而留守之有兵大戰破軍殺將

天文會通木星在斗則君賞賜木星經南斗其色光潤明大
其國有福豐稔如有變則其分有憂木守南斗大臣受封木

星居南斗俱明天下有年五禮興若既去而復還居之久不易其色常光明者天下同心火逆行斗天下驚火逆行三芒入南斗中其下國主惡之金星入南斗外國有使來見一曰將相有黜者

按斗宿六星第一星在黃道南四度弱月與火金水三星及犯之木土二星不及犯第二星在黃道南二度第三星在黃道北二度強月五星皆及犯之第四星在黃道南三度半弱惟木星不及犯第五星在黃道南五度第六星在黃道南七度強月與火金二星及犯之木土水三星不及犯觀象玩占謂日月五星貫之為中道蓋謂斗六星一星

在黃道北五星在黃道南七曜皆能經其中也

彗孛客星見斗宿

漢書天文志客星大如瓜色青白在南斗占曰為水飢

唐書天文志有星孛於斗牛占曰越有自立者

宋史天文志彗星犯斗國主憂出則其分有謀又為水災宮
中火下謀上有亂兵入則為火大臣叛 孛犯入斗下謀上
有亂兵出則為兵為疾國憂 客星犯南斗兵起國亂入則
諸侯相攻多盜大旱宮廟火穀貴七日不去有赦

觀象玩占彗星出南斗甘氏曰大臣反兵水並起天文錄國
主憂 彗孛犯斗主爵祿臣憂王者疾上下無禮諸侯不通

大亂兵起。一曰吳越兵起。有自立者三年而滅。一曰吳越有大水。客星守南斗。大水盜賊起。國有喪。都萌曰諸侯有謀。工役興。軍士走。一曰大旱。人疫。土官憂。文曜鉤曰客星守斗。五十日。臣謀主。大兵起。色青白。大水。色赤。大將戰死。客星出斗。石氏曰天子使人於諸侯。色青憂事。赤兵事。黃土功事。白義事。黑凶事。又曰天下飢饉。梁不通。客星入南斗。石氏曰諸侯有來見天子者。以五色言其事。陳卓曰穀不登。人相殺。黃帝占曰客星入斗中三日不去。道路不通。貴人受殃。外兵殺傷外國來而不降。

天文會通彗星若滅斗其國主亡若星明反臣殃 星孛於

南斗其國大飢星孛南斗中大臣奪主柄孛星犯守斗人主憂大臣災易政更令客星入南斗外國來降赤白星出魁中將死宮室兵起

流星出入斗宿

宋史天文志流星入斗蠻夷來貢犯之宰相憂在春天子壽夏為水秋則相黜冬大臣逆色赤而出斗者大臣死

觀象玩占流星入南斗穀貴民勞一曰外國有使來色赤言兵黃言土功白言義青言憂黑言死喪事流星出斗天子使出以色占其事以星所抵之宿占其所之之國流星從南斗起入北斗有赦

雲氣出入斗宿

宋史天文志雲氣入斗蒼白多風赤旱出有兵起宮廟火入有雨赤氣兵黑主病

觀象玩占赤雲氣入南斗兵起如波揚大旱多火災黃白雲氣入斗諸侯來見天子不則有使者來貢出斗天子使人於諸侯

天文會通白雲氣入南斗有雨五色氣奄斗吳地有兵

鼈

宋史天文志鼈十四星在南斗南主水族不居漢中川有易者

觀象玩占。鼈十四星在南斗南。水蟲也。常居漢中。星微而不明。則雨澤時。天下和不。居漢中。則陰陽不和。天下旱。且有水災。

天文會通。鼈十四星。司水火雨暘。屬太陰星。不欲明明。則有水患。河防決。

按鼈古謂十四星。今只十一星。其最北一星。亦在黃道南十四度。孺月五星。皆不及犯。

昔亭客星見鼈

宋史天文志。客星守鼈。為水。

觀象玩占。客星守鼈。有白衣之會。犯之有水。一曰有水令。

天文會通彗本出鬣其下有屠城 星孛鬣星其下有白衣
之會亦曰有兵火暴起 客星光芒奄鬣星暴水至又曰急
兵至

流星出入鬣

觀象玩占流星入鬣國有大水出之色青黑大水赤黃大旱
視其所之以命地犯衝鬣星水蟲死魚大貴

天文會通流星奄犯鬣星外冠入境

雲氣出入鬣

天文會通蒼白氣犯鬣星有水患青氣奄之水怪出赤氣奄
之大水暴至白氣犯之有兵亦主有賊

天淵

宋史天文志天淵十星。一曰天池。一曰天泉。一曰天海。在鼈星東南九坎間。又名太陰主灌溉溝渠。

觀象玩占天淵十星主海中魚鼈。

天文會通天淵十星明大出怒角則洪水泛溢守常則吉。

按天淵古謂十星今只三星其最北一星亦在黃道南十八度強月五星皆不及犯。

彗孛客星見天淵

宋史天文志客星入天淵海魚出彗星守之川溢傷人。觀象玩占彗孛犯守天淵百川流溢人多徙死客星守天

淵地動水出

天文會通彗星出天淵洪水入都市 星孛於天淵國憂水
荒一曰江淮河濟有兵變 客星犯天淵河津不通舟楫阻
流星出入天淵

觀象玩占流星犯天淵大水出天淵色青黑所之地大水色
赤黃所之地大旱

天文會通流星抵天淵有水賊蒼白色大如瓜犯天淵兵起
水官被黜

雲氣出入天淵

天文會通黑雲氣入犯天淵大水赤雲氣出入天淵大旱人

觔白雲氣入天淵有兵兵止無兵兵起黃雲氣往來於天淵
天官受賞賜或進秩

狗

宋史天文志天狗二星在南斗魁前主吠守以不居常處為
災

觀象玩占狗二星守禦星失其常所戒在守禦之臣

天文會通狗二星主守禦防奸之職星明為守常則吉暗則
凶

月五星犯狗

宋史天文志熒惑犯天狗為旱

觀象玩占熒惑舍狗星旱災羣狗噪天下驚 太白守狗星
守衛之臣作亂

天文會通月犯狗星將相誅戮月星暈狗星陰人為奸 五
星犯守狗星姦臣得志

按狗二星第一星在黃道南三度月與木火金水四星及
犯之第二星在黃道南二度半弱月五星皆及犯之

彗孛客星見狗

宋史天文志客星入天狗多土功北邊飢守之守禦之臣作
亂

天文會通彗孛犯狗星外兵作亂內寇不消光芒及尋丈則

內有侵凌之患。客星犯狗星有芒角闕梁失守外侮不禦。

流星出入狗

天文會通流星抵觸狗星其野有急兵色黃殃淺餘色皆凶。雲氣出入狗

天文會通白氣奄狗星其野兵暴至赤氣環繞狗星其國武庫有火災青氣閉狗星外寇內侵黑氣掩狗星內禁不防失守禦。

建星

史記天官書建星者旗也。

宋史天文志建六星在南斗魁東北臨黃道一日天旗天之

都關為謀事。為天鼓。為天馬。南二星。天庫也。中二星。市也。鐵鎖也。上二星。為旗跗。斗建之間三光道也。主司七曜行度得失。十一月甲子。天正冬至。大曆所起宿也。星動。人勞役。

觀象玩占。建六星。巫咸曰土官也。為天之府庭。斗建之間三光之道。陰陽終始之門。七政所起。其星均明。則大臣忠。王者得天心。不明。則忠臣不用。動搖則民勞。

天文會通。天建六星。主建都邑。定謀作事。

月五星犯建星

隋書天文志。月犯建星。占曰。大人惡之。歲星掩建星。占曰。有反臣。

宋史天文志月犯建星臣更天子法奄之有降兵月暈大將死五穀不成蛟龍見牛馬疫月與五星犯之大臣相譖有謀亦為闕梁不通大水歲星守為旱雜貴死者衆諸侯有謀入則有兵熒惑守之臣有黜者諸侯有謀雜貴入則闕梁不通馬貴守旗跗三十日有兵填星守之王者有謀

太白守外國使來辰星守為水災米貴多病

觀象玩占月犯建星易相木星守建星都萌曰天下多暴貴一曰牛貴一曰貴人多死火星守建星貴人死宰相憂一曰旱一曰有兵一曰有叛臣石氏曰色赤大旱民流色青黑有水犯建星上下相疑兵起都萌曰嬰兒多死土星守

建星居其陽田宅賤居其陰田宅貴 太白入建星兵起關
梁不通

天文會通月犯建星謀臣坐法月暈建星若內白外赤人民
災 木星犯建星大臣惡之 火星干建星臣下有離心

土星犯建星其國興土功以勞民 金星犯建星其野有兵
喪 水星犯建星其國有女喪

按建星六星第一星在黃道北一度半強第二星在黃道
北一度弱第三星在黃道北一度半月五星皆及犯之第
四星在黃道北三度強月與火土金水四星及犯之第五
星在黃道北四度強月與火金水三星及犯之第六星在

黃道北六度強月與金星及犯之餘不及犯

彗孛客星見建星

宋史天文志彗孛客星犯建星王失道忠臣黜客星守之
道路不通多盜

觀象玩占彗孛出建星多盜賊道路不通有大兵客星犯
建星忠言者誅賢士逃亡出建星有兵在外戰海中占曰君
臣不和入建星年穀熟又曰水大出橋梁不通

天文會通彗星掃建星光芒可大所其野有大臣不順王命
守建星將軍出行孛星犯建星其野亡君一曰有革政彗
孛犯守建星大臣相譖朝廷失政水旱俱興客星犯建星

姦臣在位客星大如斗器色蒼白如粉絮犯建星其國有刺
客入境

流星出入建星

宋史天文志流星入建星下有謀

觀象玩占流星入建星關梁不通多盜賊

天文會通流星犯建星其野大臣以事被斥

雲氣出入建星

天文會通黑雲氣犯建星其野有坐事臣白雲氣如馬奔犯
建星其兵野有兵變白雲氣如兵器犯建星其國有死臣黃
氣如蓋覆建星上朝廷尊天下治

天弁

宋史天文志天弁九星在建星北市官之長主列肆闡闡市籍之事以知市珍也明盛則萬物昌不明糴貴

觀象玩占天弁九星入河中主商賈賦稅明大則市中物盛不明則萬物衰耗

天文會通天弁九星主天市

按天弁九星其最南一星亦在黃道北十四度月五星皆不及犯

彗孛客星見天弁

宋史天文志彗客犯天弁糴貴久守之囚徒起兵

觀象玩占彗孛出天弁寶玉大貴穀貴國大飢 客星犯天
弁若出之囚徒起兵五穀大貴

天文會通彗星尾掃天弁其國空都市 星孛於天弁商旅
為盜 客星干犯天弁商賈不行道路梗塞列肆空虛抵天
弁外商懷奸入都市出天弁富商去國百姓流離

流星出入天弁

觀象玩占流星入天弁羅貴人飢若犯抵之兵起

天文會通流星干犯天弁外國大賈入境色黃有懷奇珍色
白隱然有聲如雷其賈懷匿謀以伺國事抵觸天弁其國列
肆無人亦曰有火災

雲氣出入天弁

天文會通黑雲氣如人持天弁其國列肆有大水黃雲氣如飛鳥集天弁其國多奇貨一曰國大富青雲氣如獸狀其野大荒歉赤雲如火燒天弁其國大旱白氣如劍戟列肆有急兵

天雞

宋史天文志天雞二星在牛西一在狗國上主異鳥一曰主候時

觀象玩占天雞二星動移失常則多大水

天文會通天雞二星主察時令伺晨昏乃司晨之職也星不

如常雞多夜鳴星明潤四時序明大出怒角則兵起

月五星犯天雞

宋史天文志熒惑舍天雞為旱雞多夜鳴 太白熒惑犯之
為兵 填星犯之民流亡

天文會通^月木星水星犯天雞異鳥集於京師 金火犯之兵
火為災

按天雞二星第一星在黃道北五度強月與火金二星及
犯之木土水三星不及犯第二星在黃道北一度半月五
星皆及犯之

彗孛客星見天雞

宋史天文志客星犯天雞水旱失時入為大水

觀象玩占彗孛出天雞雨暘失節水旱不時客星入天雞
西北夷來降守之大水山摧鄰萌曰雞夜鳴天下驚

天文會通彗星如帚掃天雞其國有內變星孛天雞其野
有兵彗孛犯守之天下荒客星犯天雞其國有異政百姓
嗟怨

流星出入天雞

觀象玩占流星犯天雞兵起方伯

天文會通流星抵觸天雞外兵內侵

雲氣出入天雞

天文會通黑雲氣犯天雞冬多水災青雲氣入之春令羅貴
赤雲氣入之夏多旱亦主兵起黃雲出入天雞上下往來回
覆其國多喜事四時之氣不傷歲穰民悅豫

狗國

宋史天文志狗國四星在建星東南主三韓鮮卑烏桓獫狁
沃沮之屬星不具天下有盜不明則安明則邊寇起

月五星犯狗國

宋史天文志月犯狗國烏桓鮮卑國亂熒惑守之外夷兵
起太白守之鮮卑受攻

觀象玩占火星犯狗國東夷兵起太白犯守狗國荊州占

曰太白順行天子出兵伐鮮卑烏桓太白逆行則其國為寇

天文會通火星成句已於狗國其野有死君金星守狗國
守衛之臣作亂

按狗國四星其最北一星在黃道南五度半其最南一星
在黃道南七度月與火金二星及犯之木土水星三星不及
犯

彗孛客星見狗國

宋史天文志客星守狗國其王來中國

觀象玩占客星狗犯守狗國有大兵入之夷人貢奇物一曰

客星犯之有大盜

天文會通彗星干犯狗國外夷有更王 星孛於狗國夷狄之君受殃

流星出入狗國

天文會通流星干犯狗國主中國出師問罪夷狄出狗國主夷狄遣使入中國

雲氣出入狗國

天文會通黃雲氣入狗國外服順命黑雲氣入之夷兵寇邊青赤雲氣如臺如殿在狗國中外夷有自立侯王白雲氣如劍加狗國外夷寇邊以擾中土

天籥

宋史天文志天籥八星在南斗杓第二星西主開閉門戶明則吉不備則闕籥無禁

天文會通天籥八星主天子宮禁闕籥司啟閉者也

月五星犯天籥

天文會通六曜入犯天籥宮禁憂災

按天籥八曜星第一星至第六星在黃道南北二度內月五星皆及犯之第七星在黃道南三度弱月與土火金水四星及犯之第八星在黃道南四度半弱月與火金水三星及犯之餘不及犯

彗孛客星見天籥

宋史天文志客星彗星守天籥闕梁閉塞

天文會通彗星掃天籥其國有兵一曰邊寇犯塞 星孛天
籥其野有殃一曰為兵亂 客星守天籥盜賊梗路

流星出入天籥

天文會通流星抵觸天籥外奸通內謀

雲氣出入天籥

天文會通黑雲入天籥盜起白氣入之禁兵為亂黃氣入之

闕梁通赤氣入之禁度有火災

農丈人

宋史天文志農丈人一星在南斗西南老農主稼穡者又主
先農農正官星明歲豐暗則民失業移徙歲飢

按農丈人一星在黃道南十二度半月五星皆不及犯

彗孛客星見農丈人

宋史天文志客星彗星守農丈人民失耕歲荒

觀象玩占彗孛客星守犯農丈人天下不耕

天文會通彗星掃農丈人耕桑失時民飢星孛農丈人天

下凶荒農人失業客星犯農丈人五穀不登

流星出入農丈人

天文會通流星抵觸農丈人田畝失職

雲氣出入農丈人

天文會通黑雲氣干犯農丈人天下潦米貴黃氣入之天下
大熟赤氣入之大旱白氣入之農夫執干戈

欽定天文正義卷三十

牛宿占

牛宿占

史記天官書牽牛為犧牲正義牽牛亦為闕梁其北二星一曰即路一曰聚火又上一星主道路次二星主闕梁次三星主南越占明大闕梁通不明不通天下牛疫死移入漢中天下乃亂也

宋史天文志牛宿六星天之闕梁主犧牲事明大則王道昌闕梁通牛貴怒則馬貴動則牛災多死始出而色黃大豆賤赤則豆有蟲青則大豆貴星直糴賤曲則貴

觀象玩占牛六星曰牽牛一曰天鼓木星也陽氣始于牽牛日月五星常貫之為中道中央大星七政之始七曜之行起

于此其上二星一曰即路一曰聚火主道路次二星主闕梁次三星主南夷其中大星主牛牛星明大則王道昌闕梁通天下寧不明則五穀不成牛多災其小星大明則牛貴小而明則牛賤色怒則馬貴

天文會通牽牛六星明大則牛貴細微不明牛賤又曰星不欲明大而貴明潤貴光澤而不喜出怒角若星明潤而光澤則天下和平年穀豐登星光浮而數動搖其野闕梁不通道路多阻亦主南越有小兵

月五星犯牛宿

晉書天文志月犯牽牛中央星占曰大將憂月犯牽牛宿月

掩牽牛南星占曰左將軍死又曰天下有大謀

隋書天文志月犯牽牛吳越之野占曰其國君有憂

唐書天文志太白犯牽牛占曰將軍凶

宋史天文志月犯牽牛有水牛多死其國有憂歲星入犯

牛則諸侯失期留守則牛多疫五穀傷在牛東不利小兒西

主風雪北為民流逆行宮中有火居三十日至九十日天下

和平道德明正熒惑犯牛諸侯多疾臣謀主守則穀不成

兵起入或出守其南赦填星犯牛有土功守之雨雪民人

牛馬病太白犯牽牛諸侯不通守則國有兵起入則為兵

謀人多死辰星犯牛敗軍移將臣謀主

觀象玩占月犯牛牛疫馬牛羊暴貴犧牲之官憂將軍奔道
路阻關梁塞穀貴大國憂月乘牛天下有水人相棄于道一
曰兵起馬多死武密占曰犧牲傷歲星守牽牛天下和平
石氏曰守之三十日至九十日四夷來朝海中占木守牛米
貴三月乃復巫咸曰馬災五穀多傷一曰陰陽不和農人死
野陳卓曰木守牛南五穀以旱傷守牛東萬物不成人流亡
六畜多疫死牛為甚大臣有謀事守牛北人多凍死守牛西
地氣發洩歲多水天文論木守牛光明潤澤則粵人來貢木
犯牛而留守之有兵戰一曰牛多死木入牛荊州占曰歲多
水虎狼害人又多寒一曰民飢貴人小兒多死木經牽牛筋

革貴木逆行牛火災木逆行犯守牛環繞句己之水災道路不通 熒惑守牽牛牛貴人飢兵起將軍死大水津梁不通 黃帝占曰民為亂貴人多死巫咸曰多火災牛大疫海中占曰旱一曰有急行一曰有犧牲之事都萌曰火以十月守牛六十日兵大起一曰越王死米大貴火犯牛甘氏曰諸侯將兵人飢國亂大人憂之火犯牛而守之有破軍殺將火出入留舍牛居其陽無咎居其陰為憂海中占曰春旱秋水填星守牽牛在陽田宅賤在陰田宅貴都萌曰土守天關氣洩貴人多死穀貴春秋合誠圖曰大人有疾牛馬疫海中占兵起夏寒人疾又曰山崩地震冬雷陳卓曰鹽貴土乘牛天下

大水兵起土入牛天下牛車大動一日有盜賊土出入留舍
牛有失地之君土犯牛天下工役興犯牛而守之甘氏曰有
兵戰破軍殺將 太白守牛土氣洩有兵人多死黃帝占曰
吳越兵起牛多死十日不下牛大貴石氏曰有急令海中占
有大穀巫咸曰五穀不成兵革起人多妖言甘氏曰將為亂
大人憂國易政一日闕梁不通石氏曰太白守牛北民流亡
守其西虎狼入邑守其南多狂狗守其東嬰兒多死又曰金
入牛而守之將軍失衆民飢金犯牛海中占有兵金犯牛而
守之有破軍殺將 水守牛湧水為敗守之久牛多死一日
人飢有凍死者一日虎狼害人巫咸曰五穀不成一日牛疫

犧牲死海中占曰大水民樓邱陵齊燕尤甚郝萌曰人流凶
荊州占闕梁不通水犯牛有敗軍將為亂貴人死民多死喪
水乘牛大水大飢

天文會通張平子通例曰月犯牽牛主犧牲事月犯牛中央
大星犧牲暴貴凌乘者多疫犯上星闕梁不通亦主大將犯
下星主南越受禍月倚牽牛前則歲大旱月倚牽牛後則歲
大水 火星犯守牛宿諸侯多惑火逆行守牛則有老臣叛
牛貴 土星順度守牽牛其分多忠臣義士有赦天下有急
令守牛太南大臣惡之守牛太北庶人多憂患土逆行守牛
賊臣謀主有失土之君土逆行犯牽牛中央大星其野有兵

憂亦曰有兵叛主。又曰有強臣。金星逆犯牽牛及留守之久而不去者。其國大人憂。亦曰國失賢將。水星犯牽牛順行。五穀小登。水星乘牛。有犧牲之事。逆行犯牽牛。其國大水。毀城邑。溺人民。未稼為魚餌。水星逆行守牛。久而不去。大臣有陰謀。入守中央大星。其國大人有憂。亦曰南越有奇禍。

按牛宿六星。第一星在黃道北四度半強。月與火金二星及犯之。第二星在黃道北七度。第三星在黃道北七度強。惟金星及犯之。第四星五星六星在黃道北一度內外。月五星皆及犯之。

觀象玩占。謂日月五星常貫之為中道。今測牛六星皆在

黃道北則太陽不能貫之月五星行至黃道北能貫之然
不得謂之為中道也

彗孛客星見牛宿

隋書天文志星孛於牽牛內不有大亂則外有大兵

宋史天文志彗星犯牛吳分兵起出為羅貴牛死孛星犯
改元易號羅貴牛多死吳越兵起下當有自立者客星犯
守牛宿牛馬貴越地起兵出牛多死地動馬貴

觀象玩占彗孛出牛天下有更改之事一曰四夷兵起人主
憂粟貴彗孛犯牛中國起兵吳越有亂人災彗孛行歷牽牛
其分國亡客星守牛有兵石氏曰越人有獻犀象者一曰

水賊起甘氏曰赤星守牽牛氏為亂客星犯牛石氏曰吳越
兵起有自立者客星入牛有諸侯之客來以四足為幣以色
言其吉凶大臣郝萌曰大臣外交諸侯其色赤黃白謀成青
黑敗乙巳占曰臣謀主五穀不登歲多水客星出牛兵起大
將出閼梁阻塞海中占人多死郝萌曰兵北行或曰諸侯有
反者

天文會通彗守牛北夷將死彗星如帚掃牽牛國君有憂若
彗本在中央南越受禍彗星拂牽牛國有兵喪彗星指牽牛
南二星光芒相奄者其國下謀上又曰政在強臣 孛星出
牛牛大貴或死又曰亮兵侵中國

流星出入牛宿

宋史天文志流星犯牛主欲改事春夏穀熟秋冬穀貴色黃牛馬昌闕梁通

觀象玩占流星犯牛其地將死一曰大將出一曰有四足蟲來一云水災流星出牛民流亡入牛色黑牛馬瘦色黃牛馬昌闕梁通四夷入貢乙巳占赤流星入牽牛將受命出之將軍出從星所之

雲氣出入牛宿

宋史天文志雲氣蒼白橫貫牛宿有兵喪赤亦為兵黃白氣入牛蕃息黑則牛死

觀象玩占蒼白雲氣入牛牛多死出之則災消黃白雲氣入牛諸侯有以四足蟲入貢者赤氣如波揚入牛有兵大戰牛馬大損白氣入牛有兵喪

天田

宋史天文志天田九星在斗南一曰在牛東南天子畿內之田其占與角北天田同

天文會通天田九星主農器星明則農耕以時微暗則農事失節明則歲豐國富暗則水旱傷禾稼

月五星犯天田

觀象玩占火守天田旱五穀不成太白出入天田柳萌曰

大水一曰五穀霜死

天文會通金星犯天田水旱相仍

按天田古謂九星今只四星第一星在黃道南十一度月五星皆不及犯第二星在黃道南九度第三星在黃道南八度惟金星及犯之第四星在黃道南七度月與火金二星及犯之餘不及犯

彗孛客星見天田

容宋史天文志客星犯之天下憂 彗孛犯守農夫失業

觀象玩占客星入天下飢

天文會通彗星干犯天田王畿多餓殍 星孛天田天子自

將兵畿甸擾客星犯守天田農人失所五穀大貴

流星出入天田

天文會通流星犯天田外國遣使貸粟出天田抵他舍天子遣使出疆

雲氣出入天田

天文會通蒼白雲氣犯天田王畿兵起黑雲氣如人馬狀入之外夷入寇

河鼓

史記天官書其北河鼓

按其承上文指牽牛而言

河鼓大星上將左右左

右將正義河鼓三星在牽牛北主軍鼓蓋天子三將軍中央

大星大將軍其南左星左將軍其北右星右將軍所以備闕
梁而拒難也占明大光潤將軍吉動搖差矣戾亂兵起直將
有功曲則將失計也

宋史天文志河鼓三星在牽牛西北主天鼓蓋天子及將軍
鼓也一日三鼓主天子三軍所以備闕梁而拒難設守險阻
知謀徵也鼓欲正直而明色黃光澤將吉不正為兵憂星怒
則馬貴動則兵起曲則將失計奪勢有芒角將軍凶猛象也
動搖差戾亂兵起

觀象玩占河鼓三星一日天鼓一日三武一日三將軍巫咸
曰金官也主軍鼓又主斧鉞主外闕主軍喜怒芒角則將雄

猛石氏曰河鼓不正或變色皆為兵憂

按河鼓三星其最南一星亦在黃道北二十七度弱月五星皆不及犯

彗孛客星見河鼓

宋史天文志彗星客星犯將軍被戮

觀象玩占彗孛出河鼓兵起大將旗鼓出入河鼓將有憂犯之有死將以所中命之客星出河鼓巫咸曰旗鼓大用穀貴軍乏糧石氏曰大星出河鼓所之國將驚入河鼓三軍出野黃帝占曰色赤有兵戰色黃軍安色蒼軍不用郝萌曰赤星入河鼓大將驚蒼憂黃更地黑入之將死守河鼓軍食絕

將軍戰死

天文會通彗星如帚掃河鼓主將軍以失職被逐一日將軍叛主星孛于河鼓大將有陰謀客星犯河鼓主有刺客入軍營干犯河鼓中央大星大將軍有陰謀一日大將擅軍權

流星出入河鼓

宋史天文志流星犯諸侯作亂

觀象玩占流星入河鼓兵起大將出若抵之有死將以所中命之郝萌曰大將失其旗鼓出河鼓石氏曰旗鼓出犯河鼓乙巳占曰雷非時鳴水蟲死

天文會通流星干犯河鼓主大將舉兵討逆有星抵河鼓中
央大星主將宜班師

雲氣出入河鼓

宋史天文志黃白雲氣入之天子喜赤為兵起出則戰勝黑
為將死青氣入之將憂出則禍除

觀象玩占蒼白氣入河鼓將有憂軍在外軍敗將死出之則
禍除黃白氣入之有以衆來降者出之將有喜

天文會通黃氣如人捧河鼓中央大星主天子以功賞大將
黑雲氣如人馬狀踐履河鼓其野有潰兵戮將白氣如兵器
狀加河鼓上主有囚將赤雲氣入河鼓主大將軍有火恐一

曰軍營有火災

左右旗

史記天官書東北曲十二星曰旗

按東北承上文謂鍵閉之東北

正義兩旗

者左旗九星在河鼓左也右旗九星在河鼓右也皆天之鼓旗所以為旌表占欲其明大光潤將軍吉不然為兵憂不居其所則津梁不通動搖則兵起

宋史天文志左旗九星在河鼓左旁右旗九星在牽牛北河鼓西南天之鼓旗旌表也主聲音設險知敵謀旗星明大將吉

觀象玩占左旗九星右旗九星明則旗幟出以其日占國慶

則軍政亂士卒相凌

按左旗九星其最南一星亦在黃道北三十四度右旗九星其最南一星亦在黃道北十二度月五星皆不及犯

彗孛客星見左右旗

觀象玩占彗孛客星守犯左右旗將死兵在外者敗

天文會通彗孛客星犯守左右旗兵革大起破軍殺將

流星出入左右旗

天文會通流星出左右旗則兵出入則兵入色黃兵將有功

雲氣出入左右旗

天文會通黑雲氣如人馬形奔左右旗其野有死將黃氣如

纓在左右旗下其下有受賞大將青赤氣繞左右旗其國飢民為盜白雲氣出入左右旗其野有失勢將軍

織女

史記天官書其北織女

按其承上文指婺女

織女天女孫也集解徐廣

曰孫一作名索隱荊州占云織女一名天女天子女也正義

織女三星在河北天紀東天女也主果蓏然帛珍寶占王者至孝于神明則三星俱明不然則暗而微天下女工廢明則理大星怒而角布帛踊貴

宋史天文志織女三星在市垣東北陶隱居曰常以十月朔至六七日晨見東方色赤精明者女工善星止兵起女子為

役織女足常向扶筐則吉不向則絲綿大貴

觀象玩占織女三星一曰東橋一曰天女天帝之女也主經緯布帛絲枲之事制衣裳成文繡天之水官也一曰大星為母后二小星為女子

按織女三星其最南一星亦在黃道北六十度強月五星皆不及犯

彗孛客星見織女

宋史天文志彗星犯后族憂星孛則有女喪客星入色

青為飢赤為兵黃為旱白為喪黑為水

觀象玩占彗孛犯織女后族為亂貴女有誅者客星犯織

女陳卓曰后族為亂入織女布帛五采貴天下旱守其南南方貴東西北皆然荊州占曰有兵出織女宮人逃海中占有戲臣一曰貴女有誅者守織女石氏曰有嫁娶之事

天文會通彗星出織女女主干政亦曰外戚擅權星孛織女女主有憂客星犯織女絲綿貴亦內治不修

流星出入織女

後漢書天文志織女天之真女流星出之女主憂

宋史天文志流星入有水盜女主憂

觀象玩占流星犯衝織女女主不寧入之石氏曰有水出之有兵民流

天文會通流星大如椀抵織女天下女功不修

雲氣出入織女

宋史天文志雲氣入蒼白女子憂赤則為女子兵死色黃女有進者

觀象玩占蒼白雲氣入織女女主憂病出則禍除黑氣入女子多病死

天文會通白氣圍繞織女女不事絲枲青氣女功廢赤氣犯之國多不逞之女不事蠶桑蒼白氣遮掩女子災黃氣宮女陞遷

宋史天文志漸臺四星在織女東南臨水之臺也主晷漏律呂事明則陰陽調而律呂和不明則常漏不定

天文會通漸臺四星四方高曰臺下有水曰漸主晷漏律呂候陰陽之職

按漸臺四星其最南一星亦在黃道北五十五度月五星皆不及犯

彗孛客星見漸臺

宋史天文志客星彗星犯之陰陽反戾觀象玩占彗曰客星犯漸臺陰陽舛逆

天文會通彗星犯漸臺其國變理者坐法客星犯漸臺其

國大臣無變理功若雪白如粉絮五穀不熟大飢

流星出入漸臺

觀象玩占流星犯漸臺火災

天文會通流星犯漸臺陰陽失序國飢民死

雲氣出入漸臺

天文會通黃雲氣如飛鳥進漸臺旁其野得賢相論道經邦
變理陰陽人君端拱黑雲氣如獸狀奔漸臺主陰伏久雨百
川漲溢傷禾糴貴白雲氣出入漸臺其國有暴死貴人

輦道

宋史天文志輦道五星在織女西主王者遊戲之道漢輦道

通南北宮其象也

觀象玩占輦道五星動搖則天子戒出遊

天文會通輦道五星張衡曰輦道清塵而俟駕其星明大衛路通達出怒角則天衛有逆謀

按輦道五星其最南一星亦在黃道北五十四度弱月五星皆不及犯

彗孛客星見輦道

觀象玩占彗孛出輦道御路中有伏兵宜戒改遊備不虞

天文會通彗星掃輦道御路兵起星孛于輦道其國車騎

滿野客星犯輦道刺客入禁庭一曰外奸通內謀

流星出入輦道

觀象玩占流星犯衝輦道天子出獵

天文會通流星犯輦道外兵入寇

雲氣出入輦道

天文會通黑雲氣入輦道外國起兵以寇中土白雲氣如鉤
戟犯輦道關津不通盜賊梗路青赤氣如猛獸犯輦道王者
慎出宮防陰謀之臣

九坎

宋史天文志九坎九星在牽牛南主溝渠導引泉原疏瀉盈
溢又主水旱星明為水災微小吉

觀象玩占九坎九星在天田南水官也主水旱之事星小而明則陰陽和川澤通流不明則百泉不通天下旱人飢

按九坎古謂九星今只四星其最南一星亦在黃道南二十一一度強月五星皆不及犯

彗孛客星見九坎

宋史天文志客星入天下憂

觀象玩占彗出九坎南大旱北大水
客星出九坎在陽為旱在陰為水

天文會通彗孛犯九坎其野有大水
客星犯九坎暴水入

城邑

流星出入九坎

觀象玩占流星入九坎從南入旱北入水

天文會通流星出九坎水傷五穀

雲氣出入九坎

宋史天文志雲氣入青為旱黑為水溢

觀象玩占赤雲氣入九坎天下大旱黑氣入大水

天文會通黃雲氣如人形扶九坎其國大穰蒼白雲氣入之

其國有溺民

羅堰

宋史天文志羅堰三星在牽牛東拒馬也主隄塘壅蓄水源

以灌溉也。星明大，則水泛溢。

觀象玩占：羅堰三星，主渠堰。其星明大，則大水為災。

天文會通：羅堰三星，貴小明，不喜明大。明大動搖，其野有暴水，入市井。

按羅堰三星：第一星在黃道北三度半弱，第三星在黃道南三度半弱，月與火土金水四星及犯之。第二星在黃道北十六分，月五星皆及犯之。史志占書未載象占。

彗孛客星見羅堰

天文會通：彗星犯羅堰，其國有水虞。星孛羅堰，有水寇為亂。客星犯羅堰，其野有暴水至，灌沒民田，若色白如粉絮。

守五十日不去者其國江河暴決一曰有水寇

流星出入羅堰

天文會通流星抵觸羅堰有水賊入境有暴雨至

雲氣出入羅堰

天文會通黑雲氣犯羅堰國有水荒白雲氣如劍戟在羅堰中、有寇據水為亂黃雲氣如樓閣狀在羅堰上下國有喜一曰水利興青雲氣入之國飢

天桴

宋史天文志天桴四星在牽牛東北橫列一曰在左旗端鼓桴也主漏刻時暗則刻漏失時武密曰主桴鼓之用動搖則

軍鼓用

天文會通天桴四星明潤則天下偃武

按天桴四星其最南一星亦在黃道北十九度弱月五星皆不及犯

彗孛客星見天桴

宋史天文志客星犯之主刻漏失時

天文會通彗掃天桴不有叛軍必有亡國星孛天桴中其

野有暴死主將客星犯天桴軍鼓棄

流星出入天桴

天文會通流星犯天桴其野有盜亦曰有急兵

雲氣出入天桴

天文會通黃雲氣如蓋覆天桴將士有軍功餘色皆凶

欽定天文正義卷三十一

女宿占

女宿占

史記天官書嫠女、索隱爾雅云須女謂之務女、或作嫠、正義
須女四星、亦嫠女、天少府也、南斗牽牛、須女皆為星紀、於辰
在丑、越之分野、而斗牛為吳之分野也、須女賤妾之稱、婦職
之卑者、主布帛裁製嫁娶、

觀象玩占、女四星、曰須女、亦曰嫠女、一曰天女、一曰天少府、
一曰臨官女、水星也、主布帛、為珍寶庫藏、其下九尺為日月
五星中道、其星明則天下豐、女功就、府庫充、暗小則女功失、
職府藏空虛、國用不足、郝萌曰、女星不明則法令易、甘氏曰、
女星動則天下有嫁娶事、須女又主麻、其色青則麻以蟲傷、

天文會通女四星明潤則女功以絲枲為事。后親蠶以先女
功不約而勸星小不明女功不修。布帛貴。一曰星明潤則國
多貞女。烈婦星光浮而數動搖及變色者。巫女以妖言惑衆
亦曰國尚妖言以賤女為師巫。四星俱出。怒角賤妾有暴貴
者。不見而小明主布帛貴。婚姻不以時也。

太白犯女宿

史記正義太白守須女兵起

宋史天文志太白犯須女布帛貴兵起天下多寡女留守有
女喪軍發

觀象玩占太白守女臣下謀上兵起天下多寡婦府藏發布

帛珍寶貴。巫咸曰：萬物不成，有嫁娶事。一曰：起兵於內。太白入女中，而守之。庫藏金帛珍寶出。太白出入留舍女。其國棺木貴。三十日不下，兵起。太白逆行，守陵乘須女。大臣有疾，有女令。

天文會通：金星入女中，婦人多寡。民災庫藏出金帛。金星出入女，其國有兵。臣有憂。金星經天，犯守女宿，其國有女喪。

按女宿四星：第一星、第二星在黃道北八度強，惟金星及犯之第三星、第四星在黃道北十一度外，月五星皆不及犯觀象玩占，謂其下九尺為日月五星中道，蓋指其第一二星而言也。

彗孛客星見女宿

宋史天文志彗星犯須女兵起女為亂出為兵亂有水災米鹽貴星孛於女其分兵起女為亂有奇女來進出入國有憂客星犯須女兵起女人為亂守之宮人憂諸侯有兵江淮不通糴貴

觀象玩占彗孛犯女陳卓曰有進奇女者國以女亂乙巳占曰妾為后國亂黜之則禍消又曰女主為政將軍戮死若以戰亡期不出三年彗孛出女有水災鹽米大貴入女其國憂蠶麻不成客星犯女鄰國有進奇女者武密占曰宮中有出女客星守女女暴貴一曰有女喪布帛絳綿貴甘氏曰人

民為亂妻媵為妻有急兵大飢人有自賣者一曰宮人憂貴
人有死者客星入女麻枲貴都萌曰天下諸侯有不通者荆
州占天下有嫁娶事一曰人君因納女亂國若入女而留不
去天下阻塞青星入女天下女子多以兵死赤星入女有女
喪客星出女宮人有謀女主憂或曰女御有出者石氏曰有
女事色黃白吉青黑凶赤憂客星舍女留不去有奇令

天文會通彗星出女其邦大夫起兵女主為亂一曰布帛貴
彗星出入女宿其國有憂孛星犯守女宿其邦亂女人起
兵戰敗將亡客星犯守女宿則美女進賤女暴貴

流星出入女宿

宋史天文志流星犯須女天子納美女又曰有貴女下獄抵須女女主憂乙巳占田出入而色黃潤立妃后白為後宮妾死

觀象玩占流星犯女天下蠶麻不成布帛貴春夏犯之大雨潦流星出女官人有出者流星入女天子納美女北地有兵一日色黃白天子立后色黑天下工女多死色白宮妾死

雲氣出入女宿

宋史天文志雲氣入須女黃白有嫁女事白為女多病黑為女多死赤則婦人多兵死者

觀象玩占黃雲氣出入須女天下女子多喜事

天文會通黃雲氣入女宿則女主有慶賀事

十二國

宋史天文志十二國十六星在牛女南近九坎各分土居列國之象九坎之東一星曰齊齊北二星曰趙趙北一星曰鄭鄭北一星曰越越東二星曰周周東南北列二星曰秦秦南二星曰代代西一星曰晉晉北一星曰韓韓北一星曰魏魏西一星曰楚楚南一星曰燕有變動各以其國占之陶隱居曰越星在婺女南鄭一星在越北趙二星在鄭南周二星在越東楚一星在魏西南燕一星在楚南韓一星在晉北晉一星在代代北代代二星在秦南齊一星在燕東

觀象玩占十二國合十有六星列國象也其星有變動失常
或他星守犯各以其國言災

天文會通十二國星明潤則所在國有喜星暗有憂

月五星犯十二國

天文會通月犯十二國有陰謀 木星順守其野歲穰民安

火星逆犯其野有兵喪 土星逆守其國有土役民勞怨

金星逆犯之其野有兵變 水星逆犯其野有大水民飢

按十二國共十六星周二星其第二星在黃道南半度秦

二星第一星在黃道南半度第二星在黃道南二度強代

二星其第一星在黃道南一度半弱越一星在黃道南半

度鄭一星在黃道南二度弱月五星皆及犯之周之第一
星在黃道南三度趙二星其第一星在黃道南三度半強
月與火土金水四星及犯之趙之第二星在黃道南四度
弱齊一星楚一星俱在黃道南四度半月與火金水三星
及犯之代之第二星在黃道南五度半魏一星在黃道南
五度強韓一星在黃道南五度半弱晉一星在黃道南六
度半燕一星在黃道南七度弱月與火金二星及犯之餘
不及犯

彗孛客星見十二國

天文會通彗孛守之其野有更玉 客星守之其野有刺客

入境

流星出入十二國

天文會通流星抵之其野有奸使入

雲氣出入十二國

天文會通黃氣入之其國有喜餘皆出

離珠

宋史天文志離珠五星在須女北須女之藏府女子之星也
又曰主天子旒珠后夫人環佩去陽旱去陰潦

觀象玩占離珠五星主後宮之藏府后夫人環佩之飾巫咸
曰離珠女子之星也石氏曰離袿衣也珠環佩玉珠也后夫

人之盛飾也。主進王后之衣服。星明如常。則后妃安。微暗。易處。則後宮不安。又曰。離珠居危之陽。大旱。居危之陰。大水。天文會通。離珠五星。主後官府藏。星明。則後官府藏盈實。暗。則後宮有憂。

按離珠古謂五星。今只四星。其最南一星。亦在黃道北十五度半。月五星皆不及犯。

彗孛客星見離珠

宋史天文志。客星犯之。後宮有憂。

觀象玩占。彗孛出離珠。後宮有亂。犯之。宮人有誅者。守之。居陽大旱。居陰大水。五穀不登。人飢。客星犯離珠。宮人有以。

罪誅者

天文會通彗孛犯離珠後宮有火災亦曰府藏有火災芒角
奄離珠有女喪 星孛犯離珠後宮有內變亦曰有陰謀
客星犯離珠有暴客入府藏亦曰後宮有憂

流星出入離珠

觀象玩占流星犯離珠或入之宮人有誅者

天文會通流星抵觸離珠後宮有憂

雲氣出入離珠

天文會通黑雲氣犯離珠其野有女喪出離珠其國有陰謀
黃氣入之後宮有喜

奚仲

宋史天文志奚仲四星在天津北主帝車之官

觀象玩占奚仲四星天子之車正也其星變動失常則車駕不安

天文會通奚仲四星主兵車古車正也星明潤則車馬修器械備星暗及動搖則人君失車騎將

按奚仲四星其最南一星亦在黃道北六十九度半月五星皆不及犯

彗孛客星見奚仲

天文會通彗星掃奚仲天子兵出芒角所指軍破 星孛奚

仲人君憂兵變亦主國有喪 客星犯奚仲其野有兵謀一
曰主將有異謀客星大如杯杓守奚仲其國君有兵憂亦主
有急兵

流星出入奚仲

天文會通流星犯奚仲天子遣兵車出征亦曰以兵禦侮流
星有聲如雷犯奚仲大將以兵叛

雲氣出入奚仲

天文會通黑雲氣入奚仲兵車不備一曰有兵變黃氣入奚
仲大將受斧鉞之權青赤氣入之三軍乏食白雲氣如兵器
入之有急兵

天津

史記天官書旁有八星絕漢曰天潢

按旁承上文索隱元命謂王良之旁

包曰潢主河渠所以度神通四方宋均云天潢天津也津濤也主計度也

宋史天文志天津九星在虛宿北橫河中一曰天漢一曰天江主四瀆津梁所以度神通四方也一星不備津梁不通明則兵起參差馬貴大則水災移則水溢

觀象玩占天津九星在女虛之北一曰天潢一曰潢中一曰江星一曰水王柱一曰格星一曰橫星一曰天漢主河梁以度百神通四方其星明正則吉明而動則兵起不明亦為兵

起黃帝占曰天津星有變水賊稱王水道不通

天文會通天津九星主濟渡之事星明潤天下和平暗則關津不通明大及動搖大水一曰兵起明大出怒角百川溢糴貴

按天津九星其最南一星亦在黃道北四十四度弱月五星皆不及犯

彗孛客星見天津

宋史天文志彗孛犯之津敗道路有賊客星犯橋梁不修守之水道不通船貴

觀象玩占彗孛出天津甘氏曰河津不通守天津天下亂大

旱犯天津賊斷道入漢中則有亡國 客星入天津津梁不通闕津吏憂

天文會通彗星干犯天津江淮有兵變一曰有水寇星孛天津其國有亂兵彗孛犯守天津江河橫流覆陷郡邑道路有賊貴臣憂災 客星干犯天津舟航阻水寇為害

流星出入天津

宋史天文志流星出必有使出隨分野占之

觀象玩占流星出天津大水犯天津有水災入天津水道不通閼梁塞津渡有憂流星入天津入漢不出士卒不可度水度者必不返若絕漢則可度荊州占曰流星入漢中貴人溺

水

天文會通流星出入天津皆為大水

雲氣出入天津

宋史天文志赤雲氣入為旱黃白天子有德令黑為大水色
蒼為水為憂出則禍除

觀象玩占蒼白氣入天津有水憂赤氣入大旱黃氣入天子
有德令赤氣出兵起黑氣入大水天津漢中有黑氣獨居大
如席名曰雲漢不出五日必雨黑氣狀如船若一疋布圍河
津間不出十日大雨

天文會通黑雲氣犯天津其野大水黃雲氣入之闕津通白

雲氣出之水寇為害、赤氣入之大旱、黃白氣入之天子有德、
令、蒼氣入之有水憂

匏瓜

史記索隱荆州占云、匏瓜一名天雞、在河鼓東、匏瓜不明、則歲
大熟也、正義匏瓜五星、在離珠北、天子果園、占明大光潤、歲
熟不則、色果之實不登

宋史天文志、匏瓜五星、一作在離珠北天子果園也、其西皆

星主後宮、不明則后失勢、不具或動搖為盜、光明則歲豐、暗
則果實不登

觀象玩占、匏瓜五星、一曰天雞、一曰天瓠、主司中以和五味

又主陰謀。曰主掌瓜果。星明則果實成。歲豐不明則果物惡。歲不登有水。黃帝占曰。匏瓜明則後宮多子孫。

天文會通。匏瓜五星。明潤而光澤則後宮有喜。曰果實大。熟星暗則飢饉。

按匏瓜五星。其最南一星亦在黃道北三十二度弱。月五星皆不及犯。

彗孛客星見匏瓜

史記天官書。匏瓜有青黑星守之。魚鹽貴。

宋史天文志。彗孛犯之。近臣僭有殺死者。客星守之。魚鹽

貴。山谷多水。犯之。有游兵不戰。

觀象玩占彗孛犯匏瓜食官憂守之果實不成魚鹽貴客
星犯匏瓜近臣相譖宮中有殘死者入匏瓜獻食官有憂石
氏曰入匏瓜色青果實有毒不可食色赤人主攻一邑殘之
色白有喪色黑魚鹽貴出匏瓜人主防毒藥一曰掌膳者有
憂

天文會通彗星如帚掃匏瓜其國有廢后星孛匏瓜中其
國大荒民流亡客星抵犯匏瓜其國有飢民

流星出入匏瓜

觀象玩占流星入匏瓜若有獻瓜果者中有毒不可食出匏
瓜食官有憂

天文會通流星犯觜爪其國飢

雲氣出入觜爪

宋史天文志蒼白雲氣入之果不可食青為天子攻城邑黃則天子賜諸侯果黑為食果而致疾

天文會通黑雲氣干犯觜爪後宮有匿謀白雲氣入之後宮起兵黃雲氣出之後宮有子孫喜赤雲氣入之後宮有火災
敗爪

宋史天文志敗爪五星在觜爪星南主修瓜果之職與觜爪同占

觀象玩占敗爪五星占亦與觜爪同

天文會通敗爪五星主瓜果蔬菜魚鹽星明則歲熟暗則不稔一曰敗爪主種蒔主陰謀主後宮明大有芒角則後宮有憂星微則后失勢

按敗爪五星其最南一星亦在黃道北二十七度半月五星皆不及犯

彗孛客星見敗爪

天文會通彗星出敗爪則后失勢又曰有更立妃后星孛敗爪中外戚干政亦曰后族權重客星犯敗爪後宮有進美女者客星有怒角侵敗爪後宮有陰謀客星乘凌敗爪則瓜果不熟不五穀不登人飢糴貴又曰彗孛客星犯守敗爪

歲饑魚鹽貴

流星出入敗爪

天文會通流星犯敗爪果實湧貴菜蔬不熟抵敗爪光芒奄
星魚鹽暴貴

雲氣出入敗爪

天文會通蒼白雲氣奄敗爪雨水傷果實不收青氣蔽敗爪
虫食果實黃氣氤乘敗爪後宮有喜事黑氣環繞敗爪水
災魚鹽貴

扶筐

宋史天文志扶筐七星為盛桑之器主勸蠶也一曰供俸后

與夫人之親蠶明吉暗凶移徙則女工失業

觀象玩占扶筐七星在紫微宮東藩之外近天廚主米桑勸蠶又主藏蓋量入知息耗量星明則蠶吉暗及移徙則絲綿不成女工失業星不正則府藏空虛

天文會通扶筐七星明則天下布帛賤商賈通女功有絲枲為事變色有芒角則女功不修布帛湧貴

按扶筐七星其最南一星亦在黃道北七十五度弱月五星皆不及犯

彗孛客星見扶筐

宋史天文志彗星犯將叛

觀象玩占彗孛客星犯扶筐蠶不成絲綿大貴

天文會通彗孛干犯扶筐女主失勢星孛扶筐桑蠶不收絲
桑貴客星干犯扶筐大如瓜色赤有芒角則女功廢桑蠶
失時布帛貴

流星出入扶筐

宋史天文志流星犯絲綿大貴

天文會通流星抵觸扶筐布帛貴府庫虛

雲氣出入扶筐

天文會通黃氣出扶筐則女功務苟簡后妃不親蠶天下物
帛貴